

INUIT ATAQATIGIIT

INATSISARTUNI



Nuuk 31. marts 2015

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka.

Naalackersuisunut apeqqutit:

1. Innarluutillit pillugit Peqqussummut attuumassuteqartut nunatsinni qassiuppat?
2. Innarluutit Pillugit Ilisimasaqarfik Siunnersuisarfiutigisup IPIS-ip Sisimiunut nuunniarneqarnerani suna pingaarnertut siunertarineqarpa?
3. IPIS-ip Sisimiunut nuunnerani suut iluaqutaassappat, suullu iluaqutaassanngillat?
4. Maannakkut sulisorisat immikkut ilisimasaqartut, allanillu taarseruminaassinnaasut, IPIS-ip Sisimiunut nuunneqarnerani nooqataasinnaanissaat qulakkeerniarlugu qanoq iliuuseqartoqarsimava?
5. Sulisorisassanik immikkut ilinniagaqarnermikkut piginnaassusilinnik pisariaqartinneqartunillu pissarsiniarnermut atatillugu qanoq ililluni kajumissaarinerit ingerlanneqassamaarpat?
6. Peqatigiiffiit nammineq piumassuseqarnikkut pilersinneqarsimasut, sulinermik inuussutissarsiuteqartut peqatigiiffii/kattuffii imaluunniit allat attuumassuteqartut nuussinerup siunertaa pillugu oqaloqatigineqarsimappat, taakkulu suleqatigisat qanoq qisuariarsimappat?
7. Ataatsimeeqateqarnernit imaqarnilianik imaluunniit allakkatigut qisuariariaatinik takussaasoqarpa? Taamaassimappat nassiuteqquneqarput.
(Inatsisartuni ilaasortaq Aaja Chemnitz Larsen, Inuit Ataqatigiit)

Tungavilersuut:

Aningaasaqarnikkut ilungersornartorsiorpugut. Innarluutillit tungaasigut piginnaasat ataatsimut isigalugit qaffassartariaqarput, tamannalu sullissisunut, inunnut tapersersuillutik suleqataasunut sulisorisanullu allanut ulluinnarni toqqaannartumik inunnik innarluutilinnik sullissisunut atuuppoq. Taamaammallu IPIS-ip inunnut innarluuteqartunut taakkulu eqqarliinut kiffartuussinerata ajornerulinnginnissaa siunertaralugu piginnaassutsit ullumikkut sulisorisat pigisaat attatiinnarniarnissaat pingaaruteqartut naliilertariaqarpoq.

Inuit innarluuteqartut eqqarliisalu neqeroorfigineqarsinnaanerisa ataatsimut isigalugu pitsanngorsartuarnissaa pisariaqartinneqarpoq. Taamaa iliuuseqarnikkut nunarput tamakkerlugu inuit innarluuteqartut pitsaanerumik atugaqalernissaat pilersinneqassaaq, kiisalu

Naalagaaffit Peqatigiit Innarluutillit pillugit Isumaqatigiissutaannut nunatta tamakkiisumik eqquutsitsisinnaanera qulakkeerneqarsinnaalluni.

Apeqqutit ullut suliffiusut qulit qaangiutsinnagit akeqquneqarput.